



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 94. Francisci Bonvisii Cardinalis decessus.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

Urbini Legatus renuntiabatur, ubi Sæc. XVII.
 proscriptos, ac perditæ vitæ homines A. C. 1700.
 promerita severitate ac pœnis com-
 pescuit, atque incolis optatam tran-
 quillitatem reddidit. Annum agebat
 ætatis suæ trigesimum secundum, cum
 ab eodem Pontifice Cardinalibus Pres-
 byteris accenseretur, decimo autem
 post anno ab Alexandro VII. ad Æsi-
 num Episcopatum nominatus, ibidem
 Diæcesanam Synodum habuit, ejus-
 que decreta oppido salutaria typis edi-
 dit. Mortuo hoc Pontifice ab ejus Suc-
 cessore Innocentio XI. inter primarios
 secretioris consilii Administros electus,
 rara suæ in rebus gerendis dexteritatis
 specimina edidit, pluribusque Patrum
 cœtibus aggregatus, prudentiam, eru-
 ditionem, suamque integritatem multis
 argumentis comprobata reddidit, tan-
 dem sacri Collegii Decanus, atque
 Ostiensis Episcopus die vigesima secunda
 Julii annos natus octoginta septem
 Romæ fatis cessit.

§. XCIV.

Francisci Bonvisii Cardinalis decessus.

Sequenti Mense Augusto eandem æter-
 nitatis viam ingrediebatur Franci-
 scus Bonvisius Cardinalis, patria Lu-
 censis. Hic juvenis adhuc Chigio
Merc. Hist. Palat. fast. Card. t. 4.
Hist. Eccles. Tom. LXVI. Oo Car-

Sæc. XVII.
A. C. 1700.

Cardinali a secretis, sollicitante ejus patruo Hieronymo Bonvisio ab Alexandro VII. Papa Domesticis aggregatus, paulopost ob ingenii præstantiam a Clemente X. primo Coloniam, ac postea in Poloniam Sedis Apostolicæ Nuntius decernebatur, ubi post Michaelis Regis obitum nuptiis inter ejusdem viduam & Lotharingæ Ducem conciliatis, in proxima Regis electione Austriacæ Domus commoda egregie promovebat: inde ad Cæsaris Aulam vocatus, & Pontificia ibidem legatione functus, per integros duodecim annos Leopoldo Cæsari tam in Viennensi obsidione, quam toto Turcarum bello luculenta præstitit obsequia, mira enim in pertractandis publicis negotiis dexteritate, rerum experientia, Historiæ, aliorumque Politicarum scientiarum cognitione eminebat: unde meritorum copia incitatus Innocentius XI. Bonvisium Romana Purpura decoravit, eumque Lucensi Archiepiscopatu præfecit, quam Ecclesiam Bonvisius insigni vigilantia per plurimos annos ad Cleri gregisque sui salutem rexerat, donec ibidem die vigesima quinta Augusti laboris sui præmium beato fine a Deo reciperet. Ceterum huic Cardinali a nonnullis crimini datur, quod nimis sollicite existimationi hominum sese vendi-

venditarit, aliosque aspernatus sit, at-
 que in juventute sua morum licentiæ
 plus æquo indulserit: ut autem sit, ne-
 gari haud potest, quod postea hosce næ-
 vos, si unquam in eo reperti fuerint, assi-
 duo virtutum studio, vitæque ad pro-
 bitatis normam composita eluerit.

§. XCV.

*Francisci Maildachini Cardinalis
extrema.*

Eodem hoc anno vivis valedixit Fran-
 ciscus Maildachini Cardinalis, qui
 a Donna Olympia ejus Amita multis,
 falsis tamen encomiis deprædicatus ab
 Innocentio X. Papa anno ætatis suæ
 vigesimo sexto Cardinalis Diaconus no-
 minabatur, quamvis literarum ignarus,
 facie deformis, ingenio hebes, ac ipsius
 quoque Romani idiomatis expers esset:
 unde ob crebros imbecillitatis suæ næ-
 vos universo Cardinalium Collegio exo-
 sus, ab ipso suo Fratere despectui habe-
 batur: Adultior tamen factus, atque
 in Galliis aliquamdiu moratus, ani-
 mum nonnihil excolere cæpit, nihilo-
 minus existimatione jamjam amissa,
 apud summos Pontifices, ceterosque
 Cardinales adeo nullius ferme momenti
 erat, ut etiam Innocentius XI. & Ale-
 xander VIII. præciperent, ne Mail-

*Cornar. Re-
lat. de la
Cour de
Rom. Mer-
cur. Hist.
Justa Stat.
Purp. n. 15.
pag. 66.*